



Pranuar / Dorezuar Prijmljeno/Prudato Received/Deliverty	04.11.2020	viti god year	0
Organ /Njesia Organ /Jednica Org./Unit	Nr Prot Br Prot Prot No	Shtojta e Prilog Appendix	Sasia Kolicina Quantity
SKANSHTICK	2439/2020		113



Republika e Kosovës Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.301/2020

Këshilli i Pavarur Mbikëqyrës për Shërbimin Civil të Kosovës–Kolegji për shqyrtimin dhe vendosjen e ankesave në përbërje nga:Arben Mehmeti-kryetar,Ardita Haxhnikaj-Demi dhe Eshref Shabani-anëtar, me Sabile Avdyli-Zyrtare e Lartë për Bashkëpunim Profesional në cilësinë e procesmbajtëses, kanë shqyrtuar ankesën me numër A.nr.301/2020 të datës 13.10.2020 të parashtruar nga ankuesit [REDACTED], me adresë banimi Bregu i Diellit rr“Qamil Bala”, Hyrja S nr.16 në Prishtinë, kundër Ministrisë së Ekonomisë dhe Ambientit, në çështjen juridike “kërkesë nga marrëdhënia e punës”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datën 04.11.2020, mori këtë:

V E N D I M

I.Këshilli i Pavarur Mbikëqyrës për Shërbimin Civil të Kosovës, **Shpallet jo kompetent** për të vendosur për ankesën me numër A.nr.301/2020 të datës 13.10.2020 të parashtruar nga ankuesi [REDACTED].

II.Vendimi hyn në fuqi ditën e nënshkrimit nga Kryetari i Kolegjit.

A r s y e t i m

Ankuesi [REDACTED] i punësuar sipas Akt Emërimit të datës 15.03.2012 në pozitën “Vozitës” në Ministrinë e Ekonomisë dhe Ambientit, më datë 09.03.2020 ka parashtruar kërkesë për shqyrtim të koeficientit tek Udhëheqësja e Divizionit të Burimeve Njerëzore, ndërsa më datë 23.06.2020 Udhëheqësja e Divizionit të Burimeve Njerëzore i është përgjigjur ankuesit në kërkesën e datës 09.03.2020, mirëpo ankuesi më datë 05.08.2020 ka parashtruar prapë kërkesë për shqyrtim të koeficientit të U.D Sekretari i Përgjithshëm i Ministrisë së Ekonomisë dhe Ambientit.

Pasi që ankuesi nuk ka marr përgjigje në kërkesën e datës 05.08.2020, më datë 13.10.2020 ka parashtruar ankesë me Nr. Prot:2069/2020 në Këshillin e Pavarur Mbikëqyrës për Shërbimin

Civil të Kosovës, me pretendimin për harmonizim të koeficientit me kolegët e ministrive të tjera.

Këshilli i Pavarur Mbikëqyrës për Shërbimin Civil të Kosovës ka dërguar kërkesën për përgjigje në ankesë të ankuesit në Ministrinë e Ekonomisë dhe Ambientit. Më datë 29.10.2020 Këshilli ka pranuar përgjigje në ankesë nga Ministria e Ekonomisë dhe Ambientit.

Kolegji për shqyrtimin dhe vendosjen e ankesave ka administruar këto prova: Ankesa e datës 13.10.2020 me Nr. Prot:2069/2020 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Akt Emërimit të datës 15.03.2012 të ankuesit; Kërkesën për shqyrtimin (rritjen) të koeficientit të datës 05.08.2020; Përgjigjen në kërkesë të datës 23.06.2020; Kërkesën për shqyrtim të koeficientit të datës 09.03.2020; Akt Emërimit të datës 07.08.2012 të Ejup Halili; Akt Emërimit të datës 03.03.2014 të Kadri Mehmeti; Ndryshim dhe Plotësim i Aktit të Emërimit të datës 12.20.2015 për Faik Ibriqi; Aktvendim i datës 18.05.2018 i Gjykatës Themelore në Prishtinë; Autorizimin për shpalljen e konkursit publik i datës 22/05/2013; Kërkesë për aprovimin e nisjes së rekrutimit të datës 16.05.2013; Kërkesë për fillimin e rekrutimit të datës 15.05.2013; Përshkrimi i detyrave të punës së vozitësit të datës 27.11.2012; Miratimi i titujve të ri të punës për Ministrinë e Energjisë dhe Minierave të datës 04.02.2005.

Kolegji për shqyrtimin dhe vendosjen e ankesave, duke shqyrtuar të gjitha provat e lëndës, konstaton se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur për ankesën e parashtruar nga ankuesi ██████████, sepse:

Kolegji për shqyrtimin dhe vendosjen e ankesave, duke iu referuar provave të lëndës respektivisht Akt Emërimit të datës 15.03.2012, konstaton se ankuesi mban pozitën e punës "Vozitës" në Ministrinë e Ekonomisë dhe Ambientit.

Ligji Nr.06/L-114 për Zyrtarët Publikë, përkatësisht neni 2 paragrafi 6 përcakton se: *Nëpunësit administrativo-teknik - dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike.* Andaj, duke marr parasysh se ankuesi mban pozitën e Vozitësit, Kolegji vlerëson se i njëjti ka statusin e nëpunësit administrativo-teknik dhe mbështetës, dhe si rrjedhojë, vlerëson se Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur për nëpunësit me status administrativo-teknik dhe mbështetës.

Kolegji për shqyrtimin e ankesave vlerëson se edhe me dispozitat e Ligjit Nr.03/L-149 për Shërbimin Civil të Republikës së Kosovës, i cili ka qenë i aplikueshëm në kohën e themelimit të marrëdhënies së punës të ankuesit, përkatësisht neni 4 paragrafi 4 ka përjashtuar personelin mbështetës nga Shërbimi Civil, duke përcaktuar se: *Personeli i punësuar nga institucionet e administratës në nivel qendror dhe komunal, përgjegjës për kryerjen e funksioneve mbështetëse dhe të mirëmbajtjes, nuk janë nëpunës civilë,* dhe si rrjedhojë Ministria e Administratës Publike me datë 08.12.2014 ka nxjerr Qarkoren Administrative, e cila ka përcaktuar se pozita e vozitësit hynë në kuadër të pozitave të punës me funksione mbështetës, dhe ka udhëzuar institucionet publike që marrëdhënia e tyre e punës të rregullohet sipas dispozitave të Ligjit të Punës.

Bazuar nënien 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent për të vendosur vetëm



për nëpunësit civil dhe kandidatet për pranim në Shërbimin civil, siç është përcaktuar në nenin 2 paragrafi 2 nën paragrafi 2.1 dhe paragrafi 3 si dhe nenin 4 të Ligjit Nr.06/L-114 për Zyrtarët Publikë.

Kolegji për shqyrtimin e ankesave, pas konstatimit se Këshilli i Pavarur Mbikëqyrës për Shërbimin Civil të Kosovës **nuk është kompetent** për të vendosur në ankesën e ankuesit, udhëzon palën për ushtrimin e mjeteve juridike bazuar në dispozitat e Ligjit Nr.06/L-114 për Zyrtarët Publikë, përkatësisht nenin 24 paragrafi 4 ku përcaktohet së: ***Nëpunësi i Shërbimit Publik dhe nëpunësi administrativ dhe mbështetës kanë të drejtë të ankohen të punëdhënësi dhe më pas mund të fillojë kontest administrativ në gjykatën kompetente.***

Bazuar në këto rrethana, Kolegji për shqyrtimin e ankesës, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë - Departamenti Administrativ, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

Vendimi i dërgohet:

- Ankuesit ██████████
- Sekretarit të Përgjithshëm të Ministrisë së Ekonomisë dhe Ambientit;
- Udhëheqësit të Burimeve Njerëzore në Ministrinë e Ekonomisë dhe Ambientit;
- Arkivit të KPMSHCK-së.

Këshilli i Pavarur Mbikëqyrës për Shërbimin Civil të Kosovës
Lënda Nr. A.nr. 301/2020;

Sabile Avdyli

Sabile Avdyli
Zyrtare e Lartë për Bashkëpunim Profesional

Arben MEHMETI

Arben Mehm.
Kryetar i Kolegjit

